

盧前著

寒野散曲鈔

獨立出版社印行

700

盧
前
著

寒
野
散
曲
鈔

獨立出版社
印行

中華民國三十二年十一月初版

盧冀野散曲鈔

全一冊實價三十元整

著者 盧 前

發行者 獨立出版社

重慶江北香國寺上首

印刷者 獨立出版社

中國文化服務社

重慶磁器街三十九號

國民圖書出版社

總發行所

重慶保安路一七〇號

版權所有
不准翻印

經售處

盧冀野散曲鈔

次白无咎均

〔正宮鵲鵲〕鬼家生小桃源住。看慣了武陵漁父。十年夢落揚州，一夜珠簾風雨。
〔么〕便害中鑄就黃金，鐵道不如歸去。最難忘盤閣笙歌，怕已在橋樓深處。

題雙敘記

〔仙呂寄生草〕心緒繁眉黛，啼痕溼繡襦。黃金眼把相思鑄。霜毫亂寫鴛鴦曲。冤家錯認

本是對鸞儷鳳，翻成了鼠過蛇。具箇是恨天難補情天缺。愛河衝得銀河決。今生重歷前生劫。歎塵緣一瞥難尋，剩今來古往如何說。

遊春

〔中呂朝天子〕過橋。豆蔻。說城南好。滿缸浮蟻一瓢糟。滋味誰知道。短李西歪。顛

張東倒。惹村童使裏嘲。折腰。酒豪。畫一幅劉伶稿。

下車。煮茶。曉幾句風寒禱。看邊當月故侯家。更一座清禪舍。浴佛泉邊。講經坡下。曾

教天雨花。草耶。木耶。好一幅秋山畫。

相思。折枝。說甚麼垂垂子。墟邊不見俊龐兒。多少風流事。映水螺鬟。當門酒肆。紅顏

盧冀野散曲鈔

盧葦野散曲鈔

舊命詞。此時。發癡。又前度對郎至。

舊遊

〔南南呂懶畫眉〕舊遊時節落花多。路上蕭郎喚奈何。柔情何處託微波。無端一管簫過。祇贏得多少淒涼訴月娥。

無端攪下這相思。萬緒千頭似亂絲。居然網得俊西施。恩情還怕無終始。懣不了花間年少時。

二北有揚州一半兒之作。詞首句云幾生修到住揚州。因爲此調之

〔仙呂一半兒〕風光何必數揚州。如瘦西湖是莫愁。艇子飛來正好留。兩溫柔。一半兒斜陽一半兒柳。

風光何必數揚州。玄武湖邊豔跡稠。荳蔻含羞玉筍柔。任君偷。一半兒櫻桃一半兒口。風光何必數揚州。一片清涼一片秋。無事相攜掃葉樓。儘兜留。一半兒掛茶一半兒酒。

揚州一半兒

〔仙呂一半兒〕幾生修到住揚州。綠滿城闌絮滿樓。小窰鶯聲滑似油。帶人留。一半兒烟花一半兒酒。

幾生修到住揚州。越瘦西湖越浪遊。畫舫珠娘豔迹幽。小風流。一半兒荒唐一半兒有。幾生修到住揚州。賤賣春醪到北疇。小雨如酥入夜稠。剪新頭。一半兒蒨蒨一半兒莖。

幾生修到住揚州。小憩河房索潤喉。親手美人碧玉甌。嫩排秋。一半兒鮮菱一半兒藕。

問罪櫻青門

〔正宮叨叨令〕可記得東城幾處問車馬。可記得西樓幾度親杯斝。可記得簾前多少知心話。可記得花間多少相思卦。您忍的也麼哥。您忍的也麼哥。轉頭問怎撇得蕭郎下。

效喬夢符疊字體

〔越調天淨沙〕昏昏悶悶天天。花花草草年年。事事疏疏遠遠。淒淒怨怨。風風雨雨縣縣。

夏廬丈御者徐大極癡癡趣

〔正宮醉太平〕俺拜的張仙較驢。俺羨的鐵拐葫蘆。活人中祇認的主人胡。俺沒件牽腸掛肚。喜則是一場牌九衝前賭。愛則是滿鍋肥肉牀頭煮。恠則是橋邊漢子忒鶻突。戳破俺車篷怎補。

吳門感舊

〔南中呂駐雲飛〕細雨黃昏。落葉蕭蕭深閉門。一片片無憑準。一點點添新恨。紛紛襟上溼啼痕。秋心漸緊。王謝堂前。燕子無人問。羞說烏衣舊子孫。

往事依稀。卅字闌干亞字籬。月照青苔地。人在黃花裏。飛。孤雁畫樓西。舊歡難理。倦羽重來。前度劉郎矣。猶是煙籠十里堤。

盧翼野散曲鈔

〔南南呂一針書〕南樓真探春。萬花開可斷魂。南樓上憶人。獨憑闌可解神。你流鶯扶夢
衣猶冷。偏頻頻尋芳翅不勤。有啼痕難酒痕。近日來潯邊青衫只爲君。

東二 渡

〔中呂紅綳鞋〕九十芳兒過汝。兩三顚柳明湖。裏愁香是夢卿居。年時春夢影。燈下故人
書。又西窗。夜雨。

海上鷗鷀

〔雙調玉抱肚〕無端惆悵。忽今朝又到端陽。圓雄黃尊酒歸闕。窮富蒲觴劍荒唐。小年生
未解憶家鄉。家畫眉說一字王。

懷牛首嶺

〔雙調江引〕劉伶阮生推酒。又妙舌傾天下。幾盃天闕茶。一卷長江裏。則見他鱗鱗
疊疊城外馬。〔南郊馬圖酒肆〕

調二北

〔中呂山坡羊〕滿城風絮。卷簾梅雨。浮雲遮斷了斜橋路。費踟躕。在嗟吁。悠悠燕子知
何處。錦瑟華光留不住。歡，天未許。愁，您自取。

己巳除夕

〔仙呂寄生草〕花壓桃錢影。燈籠鳳燭嬌。一檣檣俗事添人惱。一條條癡願貽人笑。一年

年虛度催人老。眼睜睜今宵歡樂總難留。意迢迢來朝蹤跡誰知道。

蜀遊萬里自此始矣感賦二解

〔南呂四塊玉〕身上車。心無主。腹轉迴輪自嗟吁。此時月掛門前樹。淚滿裾。夢已虛。愁萬縷。

蜀道難。需經眼。便上青天在今番。可憐已是飄零慣。露也寒。桂也殘。秋漸晚。

夜泊潯陽

〔雙調撥不斷〕月荒荒。恨茫茫。你低頭別有三生想。我飲淚空迴九曲腸。咱兩人一例兒悲聲放。偏聚在潯江上。

月籠沙。漫嗟呀。想當初青衫淚溼愁司馬。蘆荻秋寒薄暮鴉。琵琶聲掩香羅帕。鄒付與漁樵話。

舟過匡廬念散原老人在此山中也

〔雙調撥不斷〕曉雲妍。暮霞鮮。從來不識匡廬面。世上相逢天寶年。餘生猶見滄桑變。惟願取吟情健。

登黃鶴樓

〔雙調撥不斷〕控長江。掛殘陽。晴川閣下潮初長。鸚鵡洲邊草已荒。武昌城外秋無恙。鄒黃鶴何年往。

渡襄河訪伯牙臺先一夕聽哥筵詠碎琴故事

〔雙關撥不斷〕論相交。世間喬。知心不數輸財鮑。別頸還非擊筑高。到頭空繡平原趙。早斷了懷陵調。

古臺邊。草芊芊。記燈前一曲梨花怨。想江上三更鍾伯弦。認壁間幾箇冰斯篆。寫不出相思券。

黃牛峽

〔雙調撥不斷〕住黃牛。別黃牛。自從峽下揚帆走。不見雲間掠水鷗。無端風捲狂潮陡。把一寸鄉心皺。

豔瀨灘

〔中呂醉高歌〕問水溪甚處籠紗。羨鮑老奇工不假。碧唐望。臨江霸。禁不起灘邊浪打。白帝城

〔中呂醉高歌〕爲誰啼兩岸猿聲。空悵惘江陵雁冷。江山如畫風波靜。說甚麼陳宮夢影。過忠州問秦良玉屯兵處

〔中呂醉高歌〕正微風細草船邊。望古道荒城路遠。王孫一去成孤怨。有石柱芳名獨顯。想桃花馬上紅顏。楊柳外青山兩岸。中原此際愁千萬。怎得箇紅顏顧盼。

渝州誌異

盧翼野散曲鈔

〔中呂醉高歌〕料山城戰亂難憑。有子姓居然顯聖。沙場攻守原無定。袖手看燈前陣整。記永州舊有英名。柳子厚文章可證。如今威振巴渝境。便子厚文章不稱。

嘉陵初泛

〔中呂醉高歌〕念閬中勝事當時。知秀水三分有自。內江百丈艤初駛。展畫本何須道子。合州

〔中呂醉高歌〕試初嘗美味桃酥。試品量章家食譜。合州小住添懷慕。莫浪說山珍海錯。遂寧夢歸

〔中呂醉高歌〕訪船山少小游蹤。禮古木荒郊路迥。夜來候館愁人共。添的些還鄉好夢。渡沱江

〔中呂醉高歌〕望陽安好箇村莊。聽古事舟人細講。簡雍舊治高名望。也與這江流共享。龍泉驛東望

〔中呂醉高歌〕到龍泉已近成都。有萬水千山間阻。開心靈在東邊路。獨想望朝朝暮暮。蜀藝三傑

（康子林）余嘗與衡如二文觀川戲於悅來。文畦云，高腔有康子林其人，譚鑫培之流也。情探一折，香宋所潤辭者。每至子林登場，日未暝，必已萬人空巷，惜乎吾子未及見之。

〔越調天淨沙〕記當初祇願盟詞。後來由空寫相思。畢竟那蒼天鑒只。桂英心事。解人還是林兒。

（李蓮生）月明之夜，過少城園，立小橋上。忽有藤自水閣中來，不覺爲之神往。文通慨然曰，此竹琴清嘯也。江灌閑無此音，舊有老琴師李蓮生名雄一時。使子得聞其歌，與葛黎之聽穎師彈琴，情何以異。嗟呼，耆彥凋零，於今殆盡矣，又豈蓮生之竹琴已哉。

聽啾啾小鳥啼聲。暮然地離鳳凰鳴。落萬丈千尋石等。玉喉呼應。穎師可讓蓮生。

（鍾曉凡）居蜀既逾月，有時薄暮過市中，於街頭巷尾，見一叢在案，聚衆而辯論者，則說聖論也。或於茶舍，客坐而聽者，則說平書也。聖論平書，皆是宋人遺蹟。吳君教書歸余，書有鍾曉凡書，其班首也。自曉凡之歿，遂無足稱。此雖小技，其間固亦有升降焉。

說驚奇拍案嘖嘖。老先生親吐蓮花。到大廟彈驚屋瓦。鬼面以下。木皮今見鍾家。

石室遺夢

〔雙調慶宣和〕彈一扶頭入夢無。恰到更初。點灑梧桐響庭除。細雨。細雨。

盧冀野散曲鈔

點點飛紅惹舊思。日脚遲遲。記得離梁夢醒時。燕子。燕子。
院外西風咽暮笳。夢向誰家。一樹門前馬纓花。繫馬。繫馬。
抱夢縈情夜未央。九曲迴腸。一曲紅牙槽聲長。畫舫。畫舫。
此日茅落足解憂。罵阮埋劉。也似秦淮夢中游。醉酒。醉酒。
夢後淒涼淚沾衣。城郭全非。望帝魂歸小橋西。萬里。萬里。

奉懷霜崖師兼訊彊邨先生海上

雙調清江引 燈前一尊海上景。多少堪追省。十年問字情。萬里從師命。東望雲和淚
耿。

當年抗疏與世左。歸理閒工課。風情晚歲多。舊話前朝頗。猶記那回存問我。

蜀人講學有東漢師弟之風因憶居鄉里奉手冬飲師時光景也。

雙調清江引 婁湖以東路似掌。巾幘長來往。高談壓小窗。人在義農上。門外園更初罷
講。

官夢閣屬題南海墨卷

正宮醉太平 寫不完四愁七哀。記不起南海西臺。祇石門妙手記雄才。今日箇瑤箋展
開。風髮不似蘭亭態。虎頭不變安吳派。烏鵲不敢過江來。老臣心未改。

甄鵬哥

楊逸子伉儷卜居金華橋下，相傳是相如故宅。余來成都，喜他鄉遇故，時時過從。逸嫂以所飼翠羽，已逾周時，命爲南詞且雜蜀諺以張之。蜀人謂聚談曰擺起，所談曰龍門陣。清新可取，遂援筆作此。

〔南中呂駐馬聽〕翠羽搖塵。隔著紗窗欲喚人。整日價花間情話。架上啼愁。林下藏春。鳳知此物解溫存。咱也曾負手簾前問。則羨他司馬文君。都亭擺起龍門陣。

飲穀生家醉歸燈下譜此報之

〔南商調金絡索〕燈前酒滿尊。門外三更盡。笑我今年。小住新豐郡。青衫檢舊痕。又留髡。不醉如何謝主人。向麴都領取封侯印。便荷鋤長埋玩世身。青山近。浣花溪可似秣陵春。鬧紛紛一片紅塵。悶昏昏一點癡魂。這時候難安頓。

庚午除夕壽穀生

〔南仙呂醉羅歌〕有客有客登堂賀。聽徹聽徹醉羅歌。記賁園萬卷幾摩挲。供主人整日書城坐。今宵無寐。詩多酒多。今年無事。人和歲和。到明朝四十輕輕過。閒煞你忙煞我。錦江上翻做了懶雲窩。

辛未元日遊常山洗馬池

〔南商調黃鶯兒〕迎歲過西園。問常山洗馬津。駱祠隔院蒼松襯。牆頭字痕。花間草門。鶯兒來報陽春信。舊綸巾。羽袍白鬢。遺塑祀賢臣。

盧葦野散曲鈔

盧野散曲鈔

遊昭覺寺觀劍南題壁詩

〔南麓〕玉抱肚。山門春曉。想行吟當年放翁。剔莓苔默誦題詩。最撩人軟款東風。西洲
古柳百年松。朝日裏松下還來聽暮鐘。

書石鐘山壁唐友耕東坡

〔南麓〕玉抱肚。南都遺恨。莽向頭朱門白門。望烏江一例前程。夢扶餘總是膏人。東南
到處有暗痕。慷慨知君涕淚新。

蒼天何意。鉤羅征衣。展雄圖捲土重來。嘆良謀靈餅充飢。西家娘子舊相知。此度
低頭忍笑啼。

皮懷白出示松林宴坐圖索句

〔南南呂一江風〕譚曉曉。獨坐松陰下。一串牟尼掛。淡生涯貝葉傳經。靜裏跏趺。何必
婆娑樹。漁桑一任他。漁桑一任他。科頭自寢啗。信芥子比須彌大。

漫書所懷

〔雙調〕梅風。我不抵玉川狂。還輸他幸老狂。沒三盞酒腸留恨。歸來錦江秋正爽。那時
聞月兒初上。

報南水正兒教授日本

〔中呂〕喜春來。風兒吹夢芙蓉柳。細雨兒堆愁翡翠鉤。一封書傳語望江樓。問仙臺春到

問幕阮脩。你三十不入功名殼。四十還把詞場守。好一箇清才裴遜。獨秀中州。

天津橋秋眺

〔中呂喜春來〕夕陽影裏鵲聲悄。伊水迴旋起暮濤。指西宮多少短長條。秋思遶。冷落工
赤欄橋。

伊闕觀元魏遺象

〔大石初生月兒〕延和太平去不還。把刻石留與人間淚眼看。荒荒野寺古月寒。夢長安。
度玉關。銷魂處，者半壁江山。

無畏

〔大石青杏子〕無畏是男兒。便空拳不用嗟咨。西來滅盡懷中字。剩一腔熱血，一身膽
氣，一首新詞。（么）一木豈難支。指殘陽淚雨如絲。問誰知恥明傳示。以十年生聚。十
年教養。句踐爲師。

遼陽鶴

乾荷葉者，元劉太保弔南宋作也。今余所製，仍其舊格。北望興泰秀之嗟，南
渡下新亭之淚。上座諸生，屬而和焉。

〔南呂乾荷葉〕遼陽鶴，自翔翺。望裏乾坤小。白山高。黑江湖。更無人試雁翎刀。寂寞
關山道。